



ՀԱՅ

ՔՐԱՏԱԳ



Բ.Տարի : Թիւ 3

Եռամսեայ թերթիկ
Յուլիս 2016

Հրատարակութեամբ
Հ.Մ.Ը.Մ. Ալմելո Մեկուսի շրջանի վարչութիւն



Հ.Մ.Ը.Մ.Ի ԿԵԴՐՈՆԱԿԱՆ
ՎԱՐՇՈՒԹԻՒՆ

4 Ապրիլ 2016

Հ Ա Ղ Ո Ր Դ Ա Գ Ր Ո Ւ Թ Ի Ի Ն



Հ.Մ.Ը.Մ.ի Կեդրոնական Վարչութիւնը, յանուն աշխարհասփիւռ իր մեծ ընտանիքին, խստիւ կը դատապարտէ Լեոնային Ղարաբաղի Հանրապետութեան սահմաններուն վրայ տեղի ունեցած Ագրպէճանական ոճրային արարքները, որոնք կը վայելեն Թուրքիոյ բացայայտ քաջալերանքը:

Հ.Մ.Ը.Մ.ի Կեդրոնական Վարչութիւնը իր ամբողջական զօրակցութիւնը կը յայտնէ Արցախի եւ Հայաստանի իշխանութիւններուն, Հայոց բանակին եւ ժողովուրդին, ինչպէս նաեւ խորապէս կը ցաւակցի հայրենիքի պաշտպանութեան սուրբ բազինին վրայ նահատակուած հերոսներուն եւ անմեղ քաղաքացիներուն ընտանիքներուն:

Հ.Մ.Ը.Մ.ը, մեկնելով իր սրբազան սկզբունքներէն, «Կամաւոր բանակ»ի իր դարաւոր վճռականութեամբ կը վերահաստատէ պատրաստակամութիւնը իր ամբողջ ուժականութիւնը ի գործ դնելու ու բոլոր միջոցներով մասնակից դառնալու համար Ղարաբաղի սուրբ հողին ամրապնդման եւ բարգաւաճման:

Հ.Մ.Ը.Մ. Կեդրոնական Վարչութիւն

ՄԱՐԶԻԿ

Մարզիկ ամսագիր

ԽՄԲԱԳՐԱԿԱՆ «ՄԱՐԶԻԿ»Ի ԹԻԻ 398-399

Ի՞ՆՉՊԷՍ ՆԵՐԳՐԱԻԵԼ...

Ամեն ժամանակ ունցած է իր մարտահրաւերները եւ զանոնք դիմագրաւելու միջոցները: Ինչ որ մեր օրերը կը յատկանշեն՝ ժամանակի եւ հեռաւորութեան կապուած մարտահրաւերներն են:

Ժամանակը կապուած է արագութեան հետ՝ օրուան պահանջներուն հետ արագ քայլ պահելու, արագ պատշաճելու, արագ զարգանալու եւ արագ փոխուելու հրամայականին հետ: Մինչդեռ հեռաւորութիւնը կապուած է արդի արհեստագիտութեան հետ, որուն շնորհիւ աշխարհագրութիւն եւ սահման հասկացողութիւնները կը դառնան ժամանակավրէպ:

Մերունդներ այսօր հասակ կ'առնեն նոր պայմաններու մէջ, ուր ժամանակի եւ հեռաւորութեան հասկացողութիւնները կը ջնջեն մարդոց տարբերութիւնները եւ կը քանդեն հաւաքական ինքնութիւնները: Կը վտանգուին ազգային արժէքներ, մշակոյթներ եւ ձգտումներ:

Աշխարհը փոքրացած է այլեւս, իսկ երիտասարդութեան երագները մեծցած են: Երագներ, որոնք կապուած են ժամանակի եւ հեռաւորութեան նոր ըմբռնումներուն: Արդարեւ, երիտասարդներ աւելի կ'աշխատին, բայց նուազ հարստութեան կը տիրանան: Աւելի բան ունին, բայց նուազ ուրախ են: Աւելի շատ ծանօթներ ունին, բայց նուազ՝ բարեկամներ:

Փոքրացող այս աշխարհը տագնապահար է եւ երիտասարդութիւնը կը կրէ տեսակաւոր տագնապներու լուրջ հետեւանքները: Արեւելքը կ'ապրի կրօնական ծայրայեղութեան տագնապ, մինչ Արեւմուտքը կը դիմագրաւէ ծայրայեղ ազատամտութեան եւ աշխարհայնացման տագնապ: Արժէքներու բախում մը նկատելի է կրօնական, քաղաքակրթական եւ մշակութային բոլոր մակարդակներու վրայ:

Այս բոլորին մէջ ո՞ր է հայ երիտասարդութիւնը: Մեր միութիւններուն մէջն է, շո՞ւրջն է, թէ... մեր կեանքին գլխաւոր բացական է:

Իսկ ի՞նչ կ'ընենք մենք, իբրեւ մեծահասակներ, համայնքներ, ազգ ու պետութիւն, եկեղեցի եւ միութիւններ, հայ երիտասարդութիւնը հաւաքական մեր կեանքին մէջ ներգրաւելու համար:

Ընդունինք, որ ցարդ որդեգրուած միջոցները իրենք զիրենք սպառած են: Նոր իրականութիւնները կը թելադրեն նոր մօտեցումներ: Համայնքային մեր կառոյցները սկսած են կորսնցնել երբեմնի իրենց գրաւչութիւնը: Անցեալի գործունէութեան դրամագլուխը սկսած է մաշիլ, եթէ մաշած չէ արդէն: Միութենականութիւնը դադրած է ժառանգական յատկանիշ մը ըլլալէ: Զաւակներ անպայման չեն հետեւիր իրենց ծնողներու օրինակին, որովհետեւ դաստիարակութիւն հասկացողութիւնը փոխուած





Մարզիկ ամսագիր

է եւ հարցում մը սկսած է ինքզինք պարտադրել, թէ՛ աւանդական մեր արժէքները այլեւս որքանո՞վ կը համապատասխանեն նոր սերունդի մտահոգութիւններուն, պայմաններուն եւ սպասումներուն:

Այսօրուան երիտասարդութիւնը շատ աւելի բան գիտէ՝ քան իր ծնողներն ու պատասխանատուները: Կռապաշտ է ան. կուռքը մեքենա՛ն է, գործիքը. հեռաձայն, համակարգիչ, հեռատեսիլ թէ՛ այլ: Ան կ'ապրի երեցներէն տարբեր վայրի մը մէջ, որ անիրական է, երեւակայական է: Համացանցի աշխարհն է այդ, ուր ան աւելի ժամանակ կ'անցընէ՝ քան իր հարազատ տան ու շրջանակին մէջ: Ի՞նչպէս հասնիլ այդ աշխարհի: Ի՞նչ լեզուով հաղորդակցիլ այդ տղոց ու աղջիկներուն հետ, որոնք օրէ օր կը տիրապետեն ընկերային հաղորդակցութեան այնպիսի միջոցներու, որոնք հարցականի կ'ենթարկեն անպայման քով-քովի գալու, ժողով-սեմինար կատարելու անհրաժեշտութիւնը:

Երիտասարդութիւնը նորութիւն եւ արդիականութիւն կը փնտռէ իր շուրջ: Հետամուտ է լայն հորիզոններու: Չի փափաքիր կառուցային-կանոնադրային կաղապարներու ենթարկուիլ: Ան կը նախընտրէ միութենական աշխատանքի մասնակցիլ, բայց միութեան մը չանդամակցիլ: Մնալ համակիր՝ քան յանձնառութիւն եւ պատասխանատուութիւն ստանձնել: Գործել առանձին նպատակի մը համար՝ քան միութենական պարտաւորութիւններու շարքի մը համար:

Նորերու հետաքրքրութիւնը շատ աւելի համամարդկային հարցերու շուրջ է՝ քան ազգային եւ միութենական մտահոգութիւններու, որովհետեւ առաջինին գործադաշտը անսահման է, ըստ իրենց, մինչդեռ ազգայինն ու միութենականը դատապարտուած են մնալու սահմանափակ շրջանակի մէջ:

Այս բոլորը իրականութիւններ են, որոնք անպայման թելադրել կու տան յարմարիլ նոր կացութիւններուն եւ այսուհետեւ գործել աւելի արագ կշռոյթով, դաստիարակութեան եւ քարոզչութեան արդի մօտեցումներով, տեղեկատուական արհեստագիտութեամբ, կառուցային ժամանակակից յարմարութիւններով եւ մեր շրջապատին աւելի լայնօրէն բացուելու քաղաքականութեամբ:

Պէտք է հասնիլ մեզմէ հեռու գտնուող երիտասարդութեան: Իսկ հասնելու համար պէտք է արդիականանալ եւ զօրանալ: Մրցակցութեամբ լեցուն այսօրուան աշխարհը տեղ չունի տեղքայլ ու ետքայլ կատարողներուն: Ժամանակն է մեր հաւատքին միացնելու գիտութիւնը եւ երիտասարդութեան ներգրաւման համար որոնելու անցեալէն տարբեր՝ աւելի սերտուած, աւելի համոզիչ եւ ազդու միջոցներ:

Ներգրաւել լ երիտասարդութիւնը, բերել զայն մեր մօտ, անոր փոխանցել հայեցի ոգի եւ դաստիարակութիւն, որպէսզի ան հպարտ զգայ իր հայկականութեամբ, զօրանայ իր արմատներով եւ մեծնայ՝ Հաւաքական մեր կեանքին համար, Հայութեան եւ Հայաստանին համար:

Հայաստանի Առաջին Հանրապետութիւնը թուականներով.

- 28 Յուլիս 1914թ. Սկիզբ Համաշխարհային առաջին պատերազմը:
- 2 Օգոստոս 1914թ. Օսման ական կայսրութիւնը մաս կ'կազմէ Համաշխարհային առաջին պատերազմին:
- 27 Փետրուար 1917թ. Ցարական բռնատիրական իշխանութիւնը վերջ կ'գտնէ. Շնորհիւ Ռուսական մեծ յեղափոխութեան, որը Փեթերսպուրկի մէջ կը հաստատէ ժամանակաւոր կառավարութիւն:
- 25 հոկտեմբեր 1917թ. Լենինի գլխաւորած համայնավարներու պետական հարուածով կ'տապալուի Ռուսական ժամանակաւոր կառավարութիւն:
- Սեպտեմբեր 1917թ. Կ'կազմուի հայութեան ներկայացնող գերագոյն մարմին:
- Նոյեմբեր 1917թ. Փեթերսպուրկի կառավարութեան անկումէն ետք, Վրացիները, Ազերիներն եւ Հայերը կը մերժեն միանալ համայնավար իրաւակարգին եւ կ'ստեղծեն Անդրկովկասեան ժամանակաւոր կառավարութիւն մը՝ ԱՆԴԲԿՈՎԿԱՍԵԱՆ ԿՈՄԻՍԱՐԻԱՏ անունով: հետագային կ'հաստատուի նաեւ Անդրկովկասեան Խորհրդարան մը՝ Սէյմ ը:
- Դեկտեմբեր 1917 թ. Լենին Ռուսաստանը Առաջին Աշխարամարտէն դուրս բերելու նպատակով ,հրապարակեց բոլոր ռազմաճակատներէն ռուս զինուորներուն (Դէպի տուն) կոչը: *(կովկասի մէջ գտնուող ռուսական բանակը, որ 1916թ.էն հայ կամաւորական զունդերուն հետ գրաւած էր Վան, Էրզրում, տարօնը եւ Երզնկան Քաղաքները):*
- Դեկտեմբեր 1917 թ. Թուրք Վեհիպ փաշայի առաջարկով հաշտութեան բանակցութիւններ տեղի կ'ունենան թուրքերու եւ Անդրկովկասեան Կոմիսարիատին միջեւ եւ կ'ստորագրուի հաշտութեան դաշնագիր:
- Յունուար 1918 թ. Յունուար ամսուայ վերջերը, Վեհիպ փաշայի հրամանատարութեամբ, թուրքերը կ'անցնին ընդհանուր յարձակողականի եւ երեք ամսուան ընթացքին կը գրաւեն Երզնկան, Բաբերդը, Էրզրում, Տրապիզոն, Կարսը, սարը դամիշն ու Վանը:
- 3 Մարտ 1918թ. Ռուսերու եւ Գերմանացիներու միջեւ Լեհաստանի մէջ կը ստորագրուի Պրեստ Լիթովսկի ի դաշնագիր: *(Ուր Կարսի, Արտահանի եւ Պաթումի շրջանները կը յանձնուին թուրքերուն):*
- 15 Մայիս 1918թ. Թուրքական բանակը կ'գրաւէ Ադեքսանդրապոլ(այժմ Գիւմրի):
- 21 Մայիս 1918թ. Թուրքերը կ'երեւին Սարդարապատի մօտերը:
- 21-22 Մայիս 1918թ. Կ'սկսին Սարդարապատի կռիւները: *(Սարդարապատի եւ Բաշ Ապարանի զոյգ հերոսամարտերուն ընդհանուր հրամանատարն էր զօր. Մովսէս Կիլիկեան .Մար դարապատի ճակատը ստանձնած էր զօր. Դանիէլ բէկ Փիրումեանին):*

- 23-28 Մայիս 1918թ. Հինգ հազարէ բաղկացած փորձառու ֆետայիներու եւ բանակայիներու ուժ մը կը ճակատի Բաշ Ապարանի երկու կողմէ յարձակող թրքական բանակին դէմ եւ կը յաղթէ : *(Բաշ Ապարանի ճակատը պատասխանատուն էր զօր.Դրոն):*
- 24 Մայիս 1918թ. 1917թ.ի Հայութեան ներկայացնող գերագոյն մարմինին կողմէ կը նշանակուի զօր. Թովմաս Նազարբէկեանը հայկական բանակին ընդհանուր հրամանատար:Զօր. Նազարբէկեան հայկական զօրաբաժիններուն հրաման կու տայ անցնելու ընդհանուր յարձակումի:
- 25 Մայիս 1918թ. Կ՝սկսի Ղարաքիլիսէի կռիւները, զօր. Թովմաս Նազարբէկեանի հրամանատարութեամբ:
- 26 Մայիս 1918թ. Վրաստանը՝ քաջալերուելով գերմանացիներէն կը հռչակէ իր անկախութիւնը:
- 27 Մայիս 1918թ. Ազրայէճանը՝ քաջալերուելով թուրքերէն կը հռչակէ իր անկախութիւնը:
- 28 Մայիս 1918թ. Հայոց Ազգային Խորհուրդը կը ստիպուի յանուն Հայաստանի. Անջատ պատուիրակութիւն մը դրկել Պաթում (զինադուլ կնքելու համար թուրքերուն հետ):
- 29 Մայիս 1918թ. Հ.Յ.Դ. Արեւելեան եւ Արեւմտեան Բիւրոներու , Թիֆլիսի Կեդրոնական Կոմիտէի, Սէյմի եւ Ազգային Խորհուրդի ներկայացուցիչները կը գումարէն արտակարգ ժողով մը. Որուն ընթացքին կ՝որոշեն յայտարարել Հայաստանի անկախութիւնը:
- 30 Մայիս 1918թ. Թիֆլիսի Հայոց Ազգային Խորհուրդը ինքզինքը կը յայտարարէ միակ եւ գերագոյն իշխանութիւնը հայկական հողամասերուն:
- 4 Յունիս 1918թ. Պաթումի մէջ կը կնքուի հայ թուրքական զինադուլի համաձայնագիր եւ Թուրքիա կ՝ըլլայ Հայաստանի անկախութեան (ԱՌԱՋԻՆ) պետութիւնը:*(որ կը սահմանակիւնէր Երեւանի եւ Էջմիածինի շուրջ տարածուող շուրջ 12,000 քառակուսի քիլոմէթրով):*
- 24 Յուլիս 1918թ. Հրապարակուեցաւ Հ.Հ. անդրանիկ կառավարութեան կազմը
- Յուլիս 1918թ. Հայաստանի ազգային դրօշը ընդունուեցաւ եռագոյնը (Կարմիր, Կապոյտ եւ Նարնջագոյն):
- 1 Օգոստոս 1918թ. Տեղի ունեցաւ Հայաստանի խորհուրդի անդրանիկ նիստի հանդիսաւոր բացումը (46 պատգամաւորներու մասնակցութեամբ):
- 31 Հոկտեմբեր 1918թ. Պարտուած Թուրքիան դաշնակիցներուն հետ կը կնքէ (Մուտրոսի Դաշնագիր): Ուր Հայաստանին կը վերադարձուին Կարսի, Արտահանի, Սուրմալուի շրջանները եւ Օլթիի ածխահանքերը:
(Այսպէսով Հայաստան կը դառնայ աւելի քան 54,000 քառակուսի քիլոմէթր տարածութեամբ երկիր):
- Դեկտեմբեր 1918թ. Դեկտեմբերի սկիզբը Վրաստան գրաւեց Ախալքալաքը եւ Լոռին:

- 5 Դեկտեմբեր 1918թ. Սկսուեցաւ Հայ Վրացական պատերազմը:(*Հայկական բանակը Դրոյի գլխաւորութեամբ կարճ ժամանակամիջոցին ծանր հարուածներ հասցրեց Վրացիներուն*)
- 23 Դեկտեմբեր 1918թ. Հայկական բանակը ամրացան (Մադախլոում):
- 31 Դեկտեմբեր 1918թ. Կնքուեցաւ (Հայ-Վրացական) զինադադարի համաձայնագիրը:
- Փետրուար 1919թ. Երկրի ծանր դրութեան պատճառով Հայաստանի խորհրդարանը ստիպուեցաւ դիմել Եւրոպային եւ Ա.Մ.Ն. օգնութեանը:
- 1919թ. Սկիզբը Երեւանի մէջ գումարուող Արեւմտահայոց երկրորդ համագումարը պահանջ կը դնէ, որ Հայաստանի կառավարութիւնը պաշտօնապէս հայկական պետութեան մաս յայտարարէ Արեւմտահայաստանը
- 28 Մայիս 1919թ. Վարչապետ Ալեքսանդր Խատիսեան Հայաստանի խորհրդրանին առջեւ կը կատարէ Միացեալ եւ Անկախ Հայաստանի պաշտօնական յայտարարութիւնը:
- 21-23 Յունիս 1919թ. Հայաստանի մէջ կայացաւ առաջին եւ միակ խորհրդարանական ընտրութիւնները. Ընտրուեցան խորհրդարանին 80 անդամներ:
- Յուլիս 1919թ. Սկսուեցաւ Հայաստանի եւ թուրք թաթարական (Ադրբեջանական) ընդհանուր խռովութիւններ:
- 19 Յունւար 1920թ. Դաշնակից պետութիւնները պաշտօնապէս կը ճանչնան անկախ Հայաստանը:
- Ապրիլ 1920թ. Խորհրդային զօրքերը մտան Ադրբեջան եւ հաստատեցին խորհրդային կարգեր:
- Յուլիս 1920թ. Հ.Հ.Կառավարութիւնը հաստատեց Հ.Հ. զինանշանը որի հեղինակն էր Ալեքսանդր Թամանեանը եւ Յակոբ Կոջոեան: Օրհներգ ընդունուեցաւ Միքայէլ Նալբանդեանի (Մեր հայրենիք)ը որի երաժշտութեան հեղինակն էր Բարսեղ Կանաչեանը:
- 10 Օգոստոս 1920թ. Կ'ստորագրուի (Սեւրի դաշնագիրը). Որուն ստորագրող կողմերէն մէկը կ'ըլլայ Հայաստան(Աւետիս Ահարոնեանի ներկայութեամբ):
- 23 Սեպտեմբեր 1920թ. Կ'սկսի հայ-թրքական պատերազմը:
- 30 Նոյեմբեր 1920թ. Թշնամին գրաւեց Կարսը:
- 18 Նոյեմբեր 1920թ. Կնքուեցաւ զինադադարի համաձայնագիր, որի պայմանները խիստ ծանր էին Հ.Հ.համար:
- 22 Նոյեմբեր 1920թ. Ուիլսըն կ'արձակէ իր վճիռը՝ յատուկ քարտէսով մը, որուն համաձայն Հայաստանի Հանրապետութեան մաս կը կազմէին Տրապիզոնի, կարնոյ, Սշոյ եւ Վանայ նահանգները եւ Խարբերդի նահանգին կարեւոր մէկ մասը:
- 24 Նոյեմբեր 1920թ. Կնքուեցաւ Ալեքսանդրապոլի դաշնագիրը (*ուր Հ.Հ. կորսնցուց աւելի քան 20,000 քառակուսի քիլոմէթր տարածքներ*):

Յարգանքի տուրք համաշխարհային երկրորդ պատերազմի նահատակներուն

4 Մայիս 2016թ. Ալմելօի Ս.Գրիգոր Լուսաւորիչ Եկեղեցւոյ ներկայացուցիչները միասնաբար Հ.Մ.Ը.Մ.Ալմելօ մեկուսի շրջանի ներկայացուցիչներու, Ալմելօ քաղաքին մէջ կարուձուած համաշխարհային երկրորդ պատերազմի նահատակներուն յուշարձանին մօտ, Ալմելօի Հայ համայնքի անունով .Սկաւուտական թաբօրով յարգանքի տուրք մատուցանեցին:



ԲՈՂՈՔԻ , ՊԱՅՔԱՐԻ ԵՒ ԽԱՂԱՂՈՒԹԵԱՆ ՑՈՅՑ

Շաբաթ 23 Ապրիլ 2016թ.ին , Հ.Մ.Ը.Մ. Ալմելօ մեկուսի շրջանի անդամները եւ իր սկաուտական կազմը մասնակցեցան Հոլանդահայ համագործակցող կազմակերպութիւններուն (SAO). Հայոց Ցեղասպանութեան 101-րդ տարելիցին նուիրուած մէկ ու կէս միլիօն սուրբ նահատակներու յիշատակին. կազմակերպուած բողոքի ցոյցին Ամստերդամ քաղաքին մէջ:



Ցոյցի քայլարշաւը տեղի ունեցաւ մայրաքաղաքի կեդրոնական փողոցներու մէջ, որը լեցուն էր զբօսաշրջիկով: Քայլարշաւին միութեանս սկաուտական թմբկահարները առաջնակարգ սկաուտական քայլերգով ներկաներուն հետաքրքրութիւնը գրաւելով ճամբայ կ' բանային հետետրոյներուն:

Թմբկահարներուն անմիջապէս յաջորդեցին սկաուտական երիտասարդները. Հայկական,Արցախի, Հոլանդական, Հ.Մ.Ը.Մ.ական եւ Հ.Յ.Դ. եան դրօշները ծածանելով կ' առաջնորդէին քայլարշաւը: Ապագայի սերունդ (Գայիկներ եւ Արծուիկներ) յաջորդաբար տողանցքով հետեւեցին դրօշակներ ծածանողներուն: Նրանց հետեւեցին Հ.Մ.Ը.Մ. Ալմելօի եւ Առնհեմի սկաուտական շաքերը իրենց շքեղ տողանցքներով:

Այս շքեղ սկաուտական տողանցքին հետեւաբար շուրջ 500 եւ անէլ հոլանդահայ մասնակցեցան. Թուրքիոյ ոճրագործութեան դատապարտող ցուցապաստառներով , ցեղասպանութեան վաւերագիրներով եւ լուսապատկերներով .Մեծ Եղեռնի ոճրագործութեան մասին տպագրութիւններ բաժանուեցաւ անցորդներուն:




Օրուայ ցոյցը միութեանս սկաուտութեան համար վստահաբար միայն բողոքի ցոյց կարելի չէր ըլլալ, ան Հոլանտայի տարածքին մէջ ինքնութեան եւ հայապահպանման պայքարի ցոյց էր : Ցեղասպանութիւնէ մէկ դար ետք պայքարի ոճը վստահաբար այլ տարբեր կերպարանք պիտի ունենար , ապա այդ հիման վրայ պայքարը պիտի ըլլար (*պատրաստուիլ եւ պատրաստել հոգեկան բարձր արժանիքի տէր հայեր եւ տիպար քաղաքացիներ*):

Կարելի չէր մօրանալ թէ օրուայ ձեռնարկը պահանջատէր յանուն մարդասիրութեան եւ խաղաղութեան ցոյց պիտի ըլլար, ուր պէտք էր պահանջուէլ Թուրքական ներկայ կառավարութիւնէ ճանաչել Հայոց ցեղասպանութիւնը: Ուր այդ ճանաչումով այլ թոյլ պիտի չի տրուէր նման ցեղասպանութիւններ տեղի ունենան համայն մարդկութեան. աշխարհին մէջ:

Միջոցառումին յայտագիրը ընդգրկեց հայրենասիրական ներշնչուած արտասանութիւններ , երգեր , պարեր եւ քարոզչական բանախօսութիւններ:

Ամստերդամի մէջ միջոցառումները աւարտելէ ետք միութեանս անդամները եւ սկաուտները եւ մաս մը հայրենակիցներ շարունակեցին օրուայ իրենց վրայ կրած պարտաւորութիւնները . այս անգամ մասնակցեցան Ալմելօ Ս.Գրիգոր Լուսաւորիչ Եկեղեցւոյ մէջ Գարեգին Նժդէի եւ Հոլանդահայ համագործակցող կազմակերպութիւններուն կողմէ պատրաստուած ջահերին:



ՄԵՆՔ ԵՆՔ ԱՐՑԱԽԸ

Ուրբաթ 8 Ապրիլ 2016թ.ին , Հ.Մ.Ը.Մ. Ալմելո մեկուսի շրջանի անդամները Ամստերդամի Դամ հրապարակին մեջ Հոլանդահայ համագործակցող կազմակերպություններուն հետ միասին մասնակցեցան (SAO). (Ադրբեջանական ռազմական ագրիտիսն ընդեմ Արցախի) նախաձեռնուած բողոքի ցոյցի միջոցառումին:

Ցոյցին մասնակցողներու թիւը 500-է աւելի հայրենակիցներ, բարձրացուցին Թուրք Ադրբեջանական գործողութիւններու դատապարտուած ցուցապաստառներ: Բոլոր ներկաները միասնաբար կոչեցին բարձրաձայն(ԵՍ ԵՄ ԱՐՑԱԽԸ – ՄԵՆՔ ԵՆՔ ԱՐՑԱԽԸ):

Դամ հրապարակը Ամստերդամ քաղաքին հռչակաւոր հրապարակներէ մէկը ըլլալով, միշտ լի է եղած զբօսաշրջիկով. ուր ցոյցի կարգախօսները կոչուեցան Անզլերէն եւ Հոլանդերէն լեզուներով:

Կիրակի 17 Ապրիլ 2016թ.ին Միութեանս վարչութիւնը համագործելով Հոլանտայի Հ.Բ.Ը.Մ.եան. իր անդամական եւ նիւթական մասնակցութիւնը բերաւ Ալմելո-ի Ս.Գրիգոր Լուսաւորիչ եկեղեցոյ կողմէ կազմակերպուած (Արցախի ազատամարտին մասնակցող հայորդիներուն եւ իրենց ընտանիքներուն) դրամահաւաքին:



Շարունակութիւն

***Պատգամաւորական 11րդ Ընդհանուր Ժողովին որդեգրուած
կանոնագրային բարեփոփոխումներ***

- ⇒ Ընդհանուր կանոններ գլուխին տակ էջ 27 աւելցնել նոր յօդուած:-
Յօդ: Վարչական մը , չի կրնար նիւթական վարձատրութիւն ստանալ,
այլապէս կը դադրի իր հանգամանքէն:
- ⇒ Նոր գլուխ Երջանային վարչութենէն առաջ, նկատի ունենալով որ Մեկուսի
Վարչութիւնները միասնական կանոնագրութիւն չունին տակաւին:

Մեկուսի Երջանի Վարչութիւն

- Յօդ. Իւրաքանչիւր Մեկուսի Երջան կ' ուննայ իր Մեկուսի Երբջանի վարչութիւնը
բաղկացած 5,7,9 կամ 11 անդամներէ: Կ' ընտրուի Մեկուսի Երբջանի
անդամական ժողովի կողմէ, մէկ կամ երկու տարուան համար, գաղտնի
քուէարկութեամբ եւ ձայներու պարզ մեծամասնութեամբ:
- Յօդ: Մեկուսի Երբջանի Վարչութեան անդամ կրնայ ընտրուիլ երկու տարուան
Հ.Մ.Ը.Մ.ական մը , որ նախապէս նուագագոյն մէկ տարի մաս կազմած է
մասնաճիւղի խորհուրդի մը կամ յանձնախումբի մը:
- Յօդ: Որեւէ պատճառով դադրող վարչական անդամ մը փոխարինելու համար,
Մեկուսի Երբջանի Վարչութիւնը կ' ամբողջացնէ իր կազմը՝ Կեդրոնական
Վարչութեան հաւանութեամբ:
- Յօդ: Մեկուսի Երբջանի Վարչութեան կազմը կը վաւերացուի Կեդրոնական
Վարչութեան կողմէ:
- Յօդ: Մեկուսի Երբջանի Վարչութիւնը կը վարէ իր Երբջանի միութենական գործերը՝
Ընդհանուր եւ ներքին կանոնագրի տրամադրութեանց եւ
Պատգամաւորական Ընդհանուր ու Մեկուսի Երբջանի Անդամական
Ժողովներու որոշումներու սահմանին մէջ:
- Յօդ: Մեկուսի Երբջանի Վարչութիւնը կը հսկէ իրեն ենթակայ մարմիններու եւ
ժողովներու գործունէութեանց:
- Յօդ: Մեկուսի Երբջանի Վարչութիւնը պարտի ունենալ ժողովական կանոնաւոր
արձանագրութիւն, նամակագրութեան եւ Երբբերականներու յատուկ
թղթածրար, հաշուական տոմար, զորս իր գործունէութեան տեղեկագրին
Հետ կը ներկայացնէ Մեկուսի Երբջանի Անդամական Ժողովին, որուն առջեւ
պատասխանատու է հաւաքաբար:
- Յօդ: Մեկուսի Երբջանի վարչութիւնը կանոնատար կերպով Կեդրոնական
Վարչութեան կը դրկէ.-
- Ա. Վարչական ժողովական նիստերու եւ անդամական ժողովին
ատենագրութիւնները:
- Բ. Իր Երբջանի աւարտին նիւթաբարոյական գործունէութեան տեղեկագիր:

Յարգելի ընթերցողներ / Շարունակութիւնն յաջորդ թիւ ին մէջ:

Վրէժ Չաթալեան

Ծնած է Քերքուկ – Իրաք 1941 թ.ին : 1948թ.ին այցելած է Քերքուկի Խրիմեան ազգային վարժարանը սկզբնական ուսումը ստանալու համար: 1961թ.ին Քերքուկի պետական վարժարաններէ նա կ'աւարտէ իր ուսանողական կեանքը:

Դպրոցական պատանին 1954 -1961թ.գրադուեցաւ լուսանկարչական աշխատանքներով իր բնակավայրի (վարպետ) Անդրանիկ Պապերեան նկարչական ստուդիաի մէջ: 1962թ. է իվեր Քերքուկին մէջ ունեցաւ իր անձնական նկարչական ստուդիան:

Եղբ. Չաթալեանը մայիս 1 1960թ.էն անդամակցած է Հ.Մ.Ը.Մ. Քերքուկին եւ մինչեւ այսօր կ'շարունակէ իր անդամակցութիւնը Հ.Մ.Ը.Մ. Ալմելօ-ի մէջ :1965 թ. գրական եւ գեղարուեստական յանձնախումբերու աշխուժ անդամներէ մէկ եղած է, ուր շատ թատերգութիւններու մասնակցած է, որոնք էն.

- 1965թ. Քերքուկ.(Եօթանասուննոց Փեսացուն) : այս թատերգութեան մասին Պարսկաստանի Ալիք օրաթերթը գնահատական գրութիւններ հրատարակած է:
- 1965 թ. Քերքուկ.(Վեց ու կէս պորտի մնացեալ ժառանգը):
- 1966 թ. Քերքուկ.(Թուրումի վաճառականը):
- 1967 թ. Քերքուկ եւ Մուսուլ Քաղաքներուն մէջ.(Թիւ 5 Խելագարը):
- 1968 թ. Քերքուկ.(Չարշլը Արդին աղա):
- 1970 թ. Քերքուկ.(Տալի Կարապետ):



Վեց ու կէս պորտի մնացեալ ժառանգը



Թիւ 5 Խելագարը



Տալի Կարապետ

1967թ.Եղբ. Վրէժը անդամակցած է Իրաքի եւ նմանապէս Արաբական Նկարչական միութիւններուն.1982թ.էն մասնակցած է Իրաքի եւ Արաբական նկարչական ցուցահանդէսներուն նաեւ 2000 թ.ին մասնակցած է աշխարհային նկարչական ցուցահանդէսին որը տեղի ունեցած էր Պաղտատի մէջ:


1984թ. Իր մասնակցած նկարով առաջնութիւնը շահեցաւ Քերքուկ քաղաքին մէջ տեղի ունեցած ցուցահանդէսի մրցումին (ուր մասնակցած էին աւելի քան 180 նկարներ):

1984թ.ին կ'մասնակցի (միակ հայ լուսանկարիչ) 18 յայտնի լուսանկարիչներու հետ եւ չորս օրուայ յանձնարարութեամբ Իրաք- Պարսկական պատերազմի նկարներու փաստաթղթաւորման: վերադարձէն ետք իր բնակավայրին (Քերքուկ) մէջ կ'կազմակերպէ պատերազմի նկարների ցուցահանդէս:



Եղբ. Վրէժ Չաթալեանը Իրաքի մէջ
ունեցած է .

- 6 անձնական ցուցահանդէսներ
Քերքուկ քաղաքին մէջ,
- Մէկ ցուցահանդէս Մուսուլ քաղաքին
մէջ եւ
- Մէկ ցուցահանդէս Էրպիլ քաղաքին մէջ:



1995թ. սկսեալ նա կ'շաղուի ազգային աշխատանքներուն ուր
24 տարի աւել մաս կ'կազմէ Քերքուկ (քաղաքի) համայնքի ազգային վարչութեան
թաղականութեան. Եղած էր Քերքուկի Առաքելական Եկեղեցւոյ դպրոցի
վարչութեան անդամներէն մէկը:

Վստահաբար այսպէսի եռանդ չէր կարելի դադարել փոխադրուելով
բնակելու Նեղրլանտական թագաւորութեան մէջ. նա շարունակեց իր ազգային
պարտաւորութիւններու եռանդը:

-6 Սեպտեմբեր 2009 թ.ին Հ.Մ.Ը.Մ. Ալմելօ մեկուսի շրջանի սրահին մէջ
կ'կազմակերպէ իր առաջին լուսանկարչական ցուցահանդէսը: Հոն
ցուցադրուեցաւ 150 լուսանկարներ (սկաւուտական եւ միութեանս տեղի ունեցած
բոլոր ձեռնարկներուն):

-28 Մայիս 2013թ. Ալմելօի Ս.Գրիգոր Լուսաւորիչ Եկեղեցւոյ սրահին մէջ
կ'կազմակերպէ իր երկրորդ նկարչական ցուցահանդէսը (Տարուայ չորս
եղանակները) թեմայով:

-24 Ապրիլ 2014թ.ին Ալմելօի Ս.Գրիգոր Լուսաւորիչ Եկեղեցւոյ տարածին
մէջ Հայոց Ցեղասպանութեան 99 տարելիցին նուիրուած հուշահամալիրի
բացման առթիւ. Եղեռնի հուշահամալիրի կառուցման ժամանակաշրջանի
աշխատանքներու թեմայով:



Եղբ. Չաթալեանը ստացած է :

- 22 վկայագիրներ.
- 8 Շնորհակալ գիրեր.
- 6 Իրաքի օրաթերթերու զրոյցներ.
- 2 Պետական(Իրաքի) հերոսատարնկերութիւններու հարցազրոյցներ.

Վարձքդ կատար Եղբ. Վրէժ. Միշտ բարձր մնաս եւ բարձրացնես Հ.Մ.Ը.Մ. ի
անունը ուր որ ըլլաս . ձեզ կ'մաղթենք առաջընթաց հաջողութիւններ:



**ՀՀ սփյուռքի նախարար Հրանուշ Հակոբյանի
շնորհավորական ուղերձը Ալմելոյի ՀՄԸՄ 20 ամյակի
կապակցությամբ:**

Իր ուղերձում նախարարը նշեց, որ 20 տարի առաջ ստեղծված ՀՄԸՄ ալմելոյի մասնաճյուղը, որը իր մեջ համախմբում է երիտասարդությանը, սկաուտներին, անդամներին, որոնք կարող են միասնաբար մեծ գործեր անել: Դրանցից ամենակարևորը հայ երիտասարդին եվրոպայի սրտում հայ պահելն է, իսկ ՀՄԸՄ-ի գլխավոր նպատակներից է նաև ծանոթանալ հայ արվեստին, մշակույթին և շարունակել ապրել հայակերպ և հայավարի: Նա նշեց նաև, որ լինելով Ալմելոյում միասին ծաղկեպսակ են դրել ցեղասպանության գոհերի հուշահամալիրին և երդվել ՀՄԸՄ-ի կարգախոսով. <<Բարձրացիր բարձրացրու>>:

- Մենք կարող ենք բարձրանալ միայն լավ սովորելով, լավ կրթվելով, հայի անունն ու պատիվը բարձր պահելով և ձեռք մեկնել բարձրացնել իր կողքը ապրող հային և ինչու չէ նաև օտարին, որովհետև մենք միայն մեր գործելակերպով կարող ենք օրինակ լինել, լավագույնը լինել և գտնվել բարձրության վրա. նշեց իր ելույթի վերջում նախարարը:

*Ալմելոյի Ս. Մեսրոպ Մաշտոց Կիրակնօրյա դպրոցի տնօրեն՝
Մանուկ Մկրտչյան*

Սկաուտական Գիտելիքներ

ԻՆՉ Է ԲԱՆԱԿՈՒՄԸ

Բանակումը սկաուտական կեանքի կարեւոր բաժիններէն մէկն է: Բանակումի ընթացքին կը կատարելագործէ այն ինչ որ սորված է ակումբէն ներս եւ կամ սկաուտական զանազան աշխատանքներու ընթացքին: Բանակումի նպատակն է սկաուտը վարժեցնել ընկերային եւ հաւաքական չարքաշ կեանքի: Բանակումի մը միջոցին է , որ սկաուտին մէջ ձիրքեր ի յայտ կուգան. Օրինակ, համեղ ճաշեր եփելով, գեղեցիկ ձեռնային աշխատանքներ պատրաստելով, եւայլն:



ՈՎ ԵՒ ԻՆՉ ՊԱՅՄԱՆՆԵՐ ՆԿԱՏԻ ԱՌՆԵԼՈՎ ԿԸ ԿԱԶՄԱԿԵՐՊԷ ԲԱՆԱԿՈՒՄ ՄԸ

Բանակումը կը կազմակերպէ միութեան մը պատասխանատու մարմինը, այս մարմինը բանակումի յաջողութեան համար հարկ է որ նկատի առնէ հետեւեալները.-

- Ա. Պաշտօններու բաժանումը.
- Բ. Խումբին մակարդակը.
- Գ. Թիւի հարցը.
- Դ. Բնութեան պայմանները.



ԽՄԲԱՊԵՏԻ ՊԱՐՏԱԿԱՆՈՒԹԻՒՆՆԵՐԸ ԲԱՆԱԿՈՒՄԷՆ ԱՌԱՋ

Ընտրել բանակումի յարմար վայր մը:

Ճշդել բանակումին նպատակը եւ պատրաստել ծրագիրը:

Պատրաստել բանակումի բոլոր գոյքերուն ցանկը, նուազագոյն շաբաթ մը առաջ:

Տեղեակ պահել սկաուտները եւ ծնողները թուականէն նուազագոյնը ամիս մը առաջ:

Ճշդել բանակումին սակը եւ կանխավճարներ ապահովել:

Նախապէս արտօնութիւն ստանալ պատասխանատու մարմիններէն:

Ունենալ իւրաքանչիւր սկաուտի հասցէն, առաջըր առնելու համար որեւէ պատահարի մը:

Բանակավայրի հողատիրոջմէ արտօնութիւն ստանալ:

(Հ.Մ.Ը.Մ. Արի-Արենոյշ - Ա. Կարգ)



Հայրերու օր

Հայրերու տօնի առթիւ . Հ.Մ.Ը.Մ. Ալմելօ ի տիկնաց յանձնախումբը պատրաստեց տաք ճաշ . օրուայ ձեռնարկին ներկայ էին Հայաստանէն ժամանցող Հայկական հերոստաճնկերութիւնէ երիտասարդներ ուր հանդիպումներ ունեցան միութեանս ատենապետ Եղր. Սարգիս Տէր Ղազարեանի եւ Քոյր փաթիլ Տատուրեան (Գանձապահ եւ Սկաուտական կազմի անդամ) հետ :

Հոգեւորականներու ներկայութիւնը Հ.Մ.Ը.Մ.ական ձեռնարկներուն միշտ անհրաժեշտներէ մէկն եղած է , ուր ներկայ գտնուեցան Հոլանտայի առաքելական Եկեղեցւոյ առաջնորդ Հայր Առէն Վարդապետ Շահինեան եւ Ալմելօի Ս.Գրիգոր լուսաւորիչ Եկեղեցւոյ հոգեւոր Հովիւ Տէր Մաշտոց քահանայ Պաղտասարեան: Հոգեւոր Հայր Առէն Առէն Վարդապետ Շահինեան փոխանցեց ներկաներուն իր հոգեւորական ողջոյնները :Օրուայ ձեռնարկին եւս կ' գտնուէին Ալմելօ-ի Ս.Գրիգոր լուսաւորիչ Եկեղեցւոյ վարչութեան նախագահ Պր. Գելեջի եւ շարք մը եկեղեցւոյ յանձնախումբի անդամներ:

Օրուայ ձեռնարկին միութեանս ընկերային յանձնախումբը կազմակերպեց Պինկօ ի խաղեր:



ՀԵՌԱԿՈՆՖԵՐԱՆՍ Հ.Հ. ՆԱԽԱՐԱՐԻՆ ՀԵՏ

27 Մայիս 2016 թ. Ալմելո ի Ս.Գրիգոր Լուսաւորիչ Եկեղեցւոյ Գալուսատ Գուլպենկեան սրահին մէջ տեղի ունեցաւ հեռակոնֆերանս Հ.Հ. Նախարար Հրանտի Յակոբեանին հետ ուր ներկայ էին եւս Նախարարին տեղակալ Պր.Վահագն Մելիքեան, ստորաբաժանումներու ղեկավարներ, աշխատակիցներ եւ Երեւանի Ֆրիտոյֆ Նանսենի դպրոցի տնօրէն Մանիկ Հայրապետեան:



Նեղեղանդների հայ համայնքի, հեռակոնֆերանսին մասնակցեցան Հ.Մ.Ը.Մ. Ալմելոյի ներկայացուցիչ Եղբ.Յ.Պաղտասարեան , Ալմելո-ի Ս.Մեսրոպ Մաշտոց կիրակնօրեայ դպրոցի տնօրէն Պր. Մանուկ Մկրտիչեան, Վեստերֆորտ քաղաքի Հայ տիկնաց միութեան մէկօրեայ (Նոր Այգ) դպրոցի տնօրէն Տիկ.Ալիս Թովմասեան եւ Միացեալ հայերի հոլանտայի միութեան նախագահ եւ մէկօրեայ դպրոցի տնօրէն Տիկ. Սվետա Աբրահամեան:

Նախարարը ողջունելէ ետք բոլորին. քննարկուեցաւ շատ մի գաղութին հետաքրքրող նիւթեր . Ի վերջոյ նախարարը նշեց (Ուրախ եմ, որ հեռակապի միջոցով հնարաւորութիւն ունինք համագործակցիլ եւ կ'ցանկանամ որ այս կապը առաւել յաճախակի ըլլայ: Ուրախ եմ , որ համայնքը այսօր առաւել համախմբուած եւ կազմակերպուած է ...)

ԿԱՐԱԹԵ

12 Յունիս թ. ին Եղբ. Սամո Կարապետեան իր կարաթէի աշակերտներուն հետ միասին հանդիպում ունեցաւ Հ.Մ.Ը.Մ. Ալմելո սրահէն ներս սկաուտական խումբերուն ցուցադրեց իր աշակերտներով կարաթէի խաղին նպատակն եւ առաւելութիւնները, քաջալերով այս մարզանքը Հ.Մ.Ը.Մ. են ներս:



Սեղանի թենիսի մրցաշար:

13-14 Մայիս թ. Հ.Մ.Ը.Մ. Ալմելո ի սրահէն ներս միութեանս մարզական յանձնախումբը կազմակերպեց երկօրեայ սեղանի թենիսի մրցաշար: Մրցաշարը տեղի ունեցաւ երկու փուլով եւ ի մասնակցութեամբ 12 մարզիկներ -ուն. մրցաշարը աւարտեց Եղբ. Գէորգ Թորքեան արժանացաւ առաջնակարգ յաղթանակին իսկ երկրորդը եղբ. Արարատ Օհանեան:

Միութեանս վարչութեան ներկայացուցիչ Եղբ. Գէորգ Օհանեան փոխանցեց մարզական յանձնախումբի կողմէ պատրաստուած նուէրները յաղթողներուն:



Սկաուտական 10-րդ բանակում

Հ.Մ.Ը.Մ. Ալմելո մեկուսի շրջանի տարեկան սկաուտական բանակումը տեղի ունեցավ 3-8 Մայիս 2016թ.ին Հոլանդական Տեկտրն քաղաքի սկաուտական բանակավայրին մեջ : Բանակումին մասնակցեցան Հ.Մ.Ը.Մ. Առնհեմ, Ալքմառ եւ Գերմանիոյ Միունիխ (5-7. Մայիս 2016 թ.) մեկուսի շրջաններու սկաուտները:

-Բանակումին առաջին օրը Հ.Մ.Ը.Մ. Առնհեմի, Ալքմառի եւ Ալմելոի սկաուտները համախմբուեցան բանակավայրին մեջ ուր իրենց առաջին պարտականությունը էր սարքել դրօշակի սիւներ , լարել վրաններ եւ սկաուտական սարքաւորումներ կառուցելը.



Սկաուտական օժանդակ յանձնախումբի ներկայությունը առաջին օրուայ մեջ հարկաւոր էր. ուր բոլորն ալ միասին, փոքր եւ մեծ, քոյրեր եւ եղբայրներ, մաս մը դուրս բանակավայրի դաշտին մեջ ,կամ ներս բանակավայրի շէնքէն ներս բոլորն ալ գրադուած էին աշխատանքներով:

-Երկրորդ օր առաւօտ շուտ սկսուեցաւ ծրագրուած աշխատանքներու յայտագիրը. Մարզանք,վրաններու քնութիւն ապա դրօշակի բարձրացման արարողութիւն կատարուեցաւ. ուր ետք նախաճաշ (երկրորդ օրուանէ սկսեալ խոհանոցի յանձնարարութիւնը տրուեցաւ սկաուտներուն. ուր նրանք պէտք է որ ուտէին ինչ որ կ'եփէին): Նախաճաշէն ետք շարունակուեցաւ օրուայ ծրագրած յայտագրի աշխատանքները : Օրը աւարտեց ինչպէս առաջին օրուայ եւ բանակումի մնացած օրերուն . սկաուտական խարուկահանդէտով:



-Երրորդ օր. արդէն միացան Հ.Մ.Ը.Մ. Գերմանիոյ Միունխ մեկուսի շրջանի սկաուտները (նա նորակազմ շրջանի առաջին մասնակցութիւնն է Հ.Մ.Ը.Մ.ի սկաուտական բանակումներուն): Բանակումին երրորդ օրուայ յայտագիրը կ'ընդգրկէր բազմաթիւ աշխատանքներ . օրուայ նշանաբանն էր (ԱՐՑԱԽԸ ՄԵՐՆ Է) ուր Եղբ. Բաֆֆի Բօլօեան (Հ.Մ.Ը.Մ. Առնհեյմ) դասախօսեց Պատմական արցախի մասին ,Եղբ. Նուպար Վարդանեան (Հ.Յ.Դ Գարեգին Նժդէհ – Երիտասարդական միութիւն) դասախօսեց Ապրիլեան չորս օրեայ Ատրպեճանականն ռազմական իրադարձութիւններուն եւ այսօրուայ Լ.Ղ. զինեալ դիրքերու իրավիճակի մասին եւ Եղբ. Յարութիւն Պօղոսեան դասախօսեց Հ.Մ.Ը.Մ. Ալմելօ ի հիմնադրութեան թեմայով:



Հոլանտայի առաքելական եկեղեցու առաջնորդ Տէր Առէն Վարդապետ Շահինեան այցելեց բանակավայրը ուր նա հանդիպում ունեցաւ սկաուտներու հետ եւ փոխանցեց իր հոգեւորական քարոզչութիւնը :



-Չորրորդ օր ըստ սովորական ամեն օրուայ առաւօտեան յայտագրէն ետք , ծրագրուած էր սկաուտական գայլ արշաւ(Բալի) Տելտըն քաղաքի անտարներու մէջ. ուր ստացուած տեսական սկաուտական գիտելիքները գործնականի թարգմանեցին:

-Հինգերորդ օր խմբապետական կազմը պատրաստած էր վերջին խարուկահանդէսը որ նուիրուած էր շրջանիս հիմնադրութեան 20 ամեակին, Արցախի եւ Մայրերու օրի տօներուն, ուր ներկայ էին շատ մի սկաուտներու ընտանիքներ եւ հիւրեր :

Մայրերու Տօնի առթիւ տիկնաց յանձնախումբը պատրաստած էր տաք ճաշ եւ անակնկալ նուէրներ ներկայ մայրերուն:

- Բաժանման երգն (Յտեսութիւն մըն է եղբայր) ետք բանակումի յայտագիրը աւարտին հասաւ. Սկաուտները ուխտեցին մնալ ծառայել Հ.Մ.Ը.Մ.ի վեհ սկզբունքներովն.

Բանակումին մասնակցած էր նաեւ Եղբ. Ռուբէն Նալպանտեան. (Հ.Մ.Ը.Մ. Երուսաղէմ մեկուսի շրջան) :



Հ.Մ.Ը.Մ. Ալմելո Մեկուսի Շրջանի 2016թ. Երկրորդ եռամսեայ իրականացուած իրադարձութիւնները (Ապրիլ - Մայիս - Յունիս)

8 Ապրիլ . Յարաբերական (Ամստերդամ).

Միութիւնս իր մասնակցութիւնը բերաւ Համագործող Հոլանդահայ կազմակերպութիւններու (SAO). կազմակերպած բողոքի ցոյցին որը տեղի ունեցաւ Ամստերդամ քաղաքին (Տամ հրապարակին) մէջ . Աղբբեջանի չորս օրեայ սանձազերծած պատերազմին թեմայով:



23 Ապրիլ. Յարաբերական (Ամստերդամ).

Միութիւնս իր (Սկաուտական կազմով եւ անդամներով) մասնակցութիւնը բերաւ Համագործող Հոլանդահայ կազմակերպութիւններու (SAO). կազմակերպած բողոքի ցոյցին որը տեղի ունեցաւ Ամստերդամ քաղաքին (Տամ հրապարակին) մէջ . Ապրիլեան Եղեռնի ի 101 տարելիցի առթիւ:

23 Ապրիլ. Յարաբերական (Ալմելո).

Միութիւնս իր մասնակցութիւնը բերաւ Արամ Մանուկեան կոմիտէի կազմակերպած Ալմելոի Ս.Գրիգոր Լուսաւորիչ եկեղեցւոյ տարացքին մէջ մով արշաւին:

24 Ապրիլ. Յարաբերական (Ալմելո).

Միութիւնս իր մասնակցութիւնը բերաւ Ալմելոի Ս.Գրիգոր Լուսաւորիչ եկեղեցւոյ մէջ կատարուած Ապրիլեան եղեռնի ի 101 զոհերու յիշատակի ձեռնարկին:

3-8 Մայիս. Սկաուտական (Տելտրն)

Սկաուտական 10-րդ բանակում մասնակցութեամբ(Հ.Մ.Ը.Մ. Առնհեմ 1 սկաուտով , Հ.Մ.Ը.Մ. Ալքմառ 6 սկաուտներով , Հ.Մ.Ը.Մ. Գերմանիոյ Միունիս (5-8 / մայիս) 9 սկաուտներով եւ Հ.Մ.Ը.Մ. Ալմելո 50 սկաուտներով):

4 Մայիս Յարաբերական (Ալմելո)

Համաշխարհային երկրորդ պատերազմի նահատակներու յիշատակին Ալմելո քաղաքին մէջ Հ.Մ.Ը.Մ. Ալմելո միատեղ Ալմելո ի Ս.Գրիգոր Լուսաւորիչ եկեղեցւոյ վարչութեան եւ (AGMA) ի ներկայացուցիչ ին սկաուտական թափորով ծաղկեպսակ դրեցին զոհերու յուշարձանին:

13-14 Մայիս Մարգական (Ալմելո)

Հ.Մ.Ը.Մ. Ալմելո ի մարգական յանձնախումբը կազմակերպեց երկօրեայ սեղանի թէնիս ի մրցաշար: Մրցաշարը տեղի ունեցաւ երկու բուլով եւ Եղբ. Գեորգ Թոքեան արժանացաւ առաջնակարգ յաղթանակին:

21 Մայիս. Յարաբերական (Ալմելո)

Հայաստանի առաջին հանրապետութեան անկախութեան 98-րդ ամեակի առթիւ . Հ.Մ.Ը.Մ. Ալմելո իր մասնակցութիւնը բերաւ Արամ Մանուկեան (Հայ Տուն-ի) կազմակերպած ընտանեկան պարահանդէսին:



27 Մայիս Յարաբերական (Ալմելո)

Մասնակցեցաւ Ալմելո ի Ս.Գրիգոր Լուսաւորիչ Եկեղեցւոյ կազմակերպած Հ.Հ. Սփիւռքի նախարարութեան հետ հեռակոնֆիրանսին:

27 Մայիս Միութենական (Ալմելո)

Հ.Մ.Ը.Մ. Ալմելո ի Ընկերային յանձնախումբը կազմակերպեց ՊԻՆԿՕ ի ձեռնարկ:

12 Յունիս Մարզական և Սկաուտական (Ալմելո)

Եղբ. Սամո Կարապետեան իր գարաթէ ի աշակերտներուն հետ միասին հանդիպում ունեցաւ Հ.Մ.Ը.Մ. Ալմելո սրահէն ներս սկաուտական խումբերուն ցուցադրեց իր աշակերտներով Գարաթէի խաղին նպատակն եւ առաւելութիւնները. Քաջալերով այս մարզանքը Հ.Մ.Ը.Մ. են ներս:

19 Յունիս Միութենական (Ալմելո)

Հայրերու տօնի առթիւ . Հ.Մ.Ը.Մ. Ալմելո ի տիկնաց յանձնախումբը պատրաստեց տաք ճաշ . օրուայ ձեռնարկին ներկայ էին Հայաստանէն ժամանցող Հայկական հերոստառնկերութիւնէ երիտասարդներ եւս միութեանս ընկերային յանձնախումբը կազմակերպեց Պինկօ ի ձեռնարկ:

26 Յունիս Յարաբերական (Ալմելո)

Հ.Մ.Ը.Մ. Ալմելո համագործելով Ալմելոի Ս.Գրիգոր Լուսաւորիչ Եկեղեցւոյ եւ Հոլանտայի Հ.Բ.Ը.Մ. Կազմակերպեցին Ալմելոի Ս.Գ.Լ.Ե. Գալուստ Գուլպենկեան սրահին մէջ (Միպիլ եւ Անդրէ) հանդիպման ձեռնարկ:

Լուրեր Վա՛յ վա՛յ կղզիէն

Մայրենի լեզու

Մեր վերջին կղզու տարօրինակ երեամսուայ գիտնականներու եւ պատգամաւորներու հետաքրքիր ժողովի մէջ ունեցած իրադարձութիւնը շատ հետաքրքրեց մեր բոլորին : Օրուայ ժողովի թեման էր . կղզու մէջ կառուցուած նոր վարժարանին մէջ հայերէն դասընթացները արդեօք պիտի դասաւանտուի Արեւմտահայերէն , Արեւելահայերէն, Գրաբար կամ աշխարհաբար:

Ամենայն հետաքրքիրը այն էր, որ ըստ արդիական նոր ժողովական ուսումնասիրութիւններուն ներկաները ժողովը վարեցին Վա՛յ վա՛յ կղզու տեղական լեզուով :

ԲՈՎԱՆԴԱԿՈՒԹԻՒՆ

- Հաղորդագրութիւն (Հ.Մ.Ը.Մ. Կեդրոնական Վարչութեան).
- Ի՞նչպէս ներգրաւել (Մարզիկ խմբագրական թիւ 398-399).
- Հայաստանի առաջին հանրապետութիւն թուականներով.
- Յարգանքի տուրք համաշխարհային երկրորդ պատերազմի նահատակներուն.
- Բողոքի, պայքարի եւ խաղաղութեան ցոյց.
- Մենք ենք արցախը.
- Պատգամաւորական 11րդ Ընդհանուր ժողովին որդեգրուած կանոնագրային բարեփոփոխումներ.
- Վրեժ Չաթալեան.
- Հ.Հ. սփյուռքի նախարար Հրանուշ Հակոբյանի շնորհավորական ուղերձը Ալմէլոյի ՀՄԸՄ 20 ամյակի կապակցությամբ.
- Սկաւտական գիտելիքներ.
- Հայրերու օր.
- Հեռակոնֆիրանս Հ.Հ. Նախարարին հետ.
- Կարաթե.
- Սեղանի թէնիսի մրցաշար.
- Սկաւտական 10-րդ քանակում.
- Հ.Մ.Ը.Մ. Ալմէլօ Մեկուսի Շրջանի 2016թ. Երկրորդ եռամսեայ իրականացուած իրադարձութիւնները (Ապրիլ - Մայիս - Յունիս).
- Լուրեր Վա յ վա յ կղզիէն (Մայրենի լեզու).
- Բովանդակութիւն.

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Homenetmen Almelo

Առաջարկներու համար կը խնդրուի կապ հաստատել homenetmenalmelo@yahoo.nl հետ: